

आकाशवाणी

खास—खास खबरां।

1. ब्रिक्स नेताएं पहलगाम आतंकी हमले की सख्त निंदा करदे होई आतंकवाद खलाफ लड़ाई दे अपने धेइये गी फही पक्का कीता ऐ।
2. प्रधानमंत्री नरेन्द्र मोदी होरें आखेआ ऐ जे आतंकवादिएं खलाफ बंदिशां लाने च कुसै गी बी कोई झिझक नेई होनी लोड़चदी ऐ।
3. बिहार च मतदाता सूचिएं की बशेश नजरसानी दा कम्म बवस्थित ढंगै सिर चला करदा ऐ। अजे तोहड़ी 1 करोड़ 69 लख शा मते फार्म हासल होई गेदे न।
4. अमरीका दे टेक्सास च चानचक्क आए दे हाड़ें च मरने आहलें की गिनतरी बधियै 80 होई गेई ऐ।
5. इजराल ते हमास बश्कार कतर च होई की संघर्ष विराम सरबंधी गल्लबात दा पैहला गेड़ बेनतीजा रेया ऐ।
6. भारत नै जंदी रातीं बर्मिघम दे एजबेस्टन च एंडरसन—तेंदुलकर ट्रॉफी दे दुए क्रिकेट टेस्ट मैच च मेजबान इंग्लैंड की 336 द्रौड़ें कन्नै हराइयै ऐतिहासिक जित्त दर्ज कीती।
7. हरविंदर सिंह नै एशियाई पैरा—तीरअंदाजी प्रतियोगिताएं च सुन्ने दे 2 तगमे जित्ते न। भारत चीन दे बाद दुए नम्बरै पर रेया ऐ।

<><><><><><>

BRICS-Pahalgam

ब्राजील दे रियो डी. जनेरियो च आयोजत ब्रिक्स मुखें दे शिखर सम्मेलन चे घोशण पत्र च 22 अप्रैल की पीलगाम च होए दे वैशियाना आतंकी हमले की सख्त निंदा कीती ऐ जेहदे च 26 लोकें की आतंकवादिएं हत्या करी दित्ती ही। ब्रिक्स नेताएं बन्ने पार आतंकवाद फैलाने, आतंकवाद की संरक्षण देने ते आतंकी गतिविधिएं लेई रपेया—पैहा उपलब्ध कराने आलें खलाफ सख्त कारवाई सनें आतंकवाद कन्नै पूरी तगड़ेयाई कन्नै निबड़ने दा धेइयै पक्का कीता। प्रधानमंत्री नरेन्द्र मोदी होर शिखर सम्मेलन दे शांति ते सुरक्षा इजलास की संबोधत करदे होई आखेआ जे पहलगाम आतंकी हमला भारत की आत्मा ते शान पर हमला ऐ। उनें

तोर देइयै आखेआ जे आतंकवाद गी दना बर्दाश्त नेइं कीता जाना लोड़चदा ते आतंकवाद गी असरदार, संरक्षण ते समर्थन देने आलें पर सख्ती नै रोक लानी लोड़चदी।

<><><><><><>

## PM-BRICS

प्रधानमंत्री नरेन्द्र मोदी होरें 17में ब्रिक्स शिखर सम्मेलन च ब्रिक्स मुख्खें ते सांझेदारें कन्नै बहुपक्षवाद, आर्थिक ते माली मामले ते आर्टिफिशन इंटैलीजेंस बारे आयोजित सत्र च हिस्सा लैता। अपने संबोधन च प्रधानमंत्री मोदी होरें ब्रिक्स दी अंतर्राष्ट्रीय सैहयोग ते बहुध्रवीय विश्व आस्तै महत्वै आले स्रोत दे तौर पर भूमका गी उजागर कीता। उनें एनडीबी आस्सेआ संचालित परियोजनाएं च मंग दे आधार पर नजरियै ते लम्मी अवधि आली माली स्थिरता दा आग्रह कीता। उनें कृषि—जैव तकनालोजी, डिजीटल शिक्षा आले क्षेत्र च भारत दी पैहल दा जिक्र कीता। प्रधानमंत्री होरें ब्रिक्स विज्ञान ते शोध कोष बनाने दा बी आह्वान कीता। उनें अगले बरें भारत दी मेजबानी च आयोजित होने आले आर्टिफिशल इंटैलीजेंस इंपैक्ट शिखर सम्मेलन आस्तै ब्रिक्स सांझेदार मुख्खें गी साददा दित्ता।

<><><><><><>

## PM-Meeting

प्रधानमंत्री नरेन्द्र मोदी होरें ब्राजील दे रियो डे जेनियम च 17में ब्रिक्स शिखर सम्मेलन थमां बक्ख मजेशिया दे प्रधानमंत्री इब्राहिम हुंदे कन्नै मलाटी कीती। दौनें नेताएं रक्षा, आतंकवाद कन्नै निबड़ने, शिक्षा, बपार, निवेश ते फार्मा सनें भारत—मलेशिया व्यापक रणनीतिक सांझेदारी दे बक्ख—बक्ख क्षेत्रें च प्रगति दी समीक्षा कीती। इस दरान भारत—एशियन सांझेदारी पर बी चर्चा होई। प्रधानमंत्री होरें पहलगाम आतंकी हमले दी सख्त लफजें च निंदेया करने आस्तै इब्राहिम हुंदा आभार जताया। प्रधानमंत्री होरें शिखर सम्मेलन थमां बक्ख क्यूबा दे राष्ट्रपति मिगुएल डियाज कैनेल बरमूडेज़ हुंदे कन्नै बी मलाटी कीती।

<><><><><><>

## EC Bihar

बिहार च मतदाता सूचि विशेष पुनरीक्षण दा कम्म वोटरें दे सक्रिय सैहयोग कन्नै सुचारु ढंगै कन्नै चला'रदा ऐ। चुनां आयोग नै इक ब्यान जारी करी दस्सेआ ऐ जे पुनरीक्षण दी शुरूआती गैई लगभग मुकम्मल होई गेदा ऐ ते सब्बै योग्य वोटरें गी फार्म उपलब्ध कराई

दित्ते गेदे न। हुन तगर 1 करोड़ 69 लक्ख शा मते गणना फार्म मिली चुके दे न। फार्म अपलोड करने दा कम्म बी शुरू होई गेदा ऐ ते हुनै तगर 7.25 फीसदी फार्म अपलोड बी होई गेदे न।

<><><><><><><>

## US Taxas

अमरीका दे टेक्सास च पिछले शुक्रवारें गी आए दे हाड़ कन्नै मरने आलें दी गिनतरी बधियै 80 होई गेई ऐ। मरने आलें च 28 बच्चे बी शामिल न। ग्वाडालूप दरेया दे कोल कैप मिस्टिक थमां लापता 11 कुड़ियां ते इक काउंसलर दी तलाश जारी ऐ। हाड़ दा सब्बने शा मता असर टेक्सास हिल कंट्री च दिखने गी मिलेआ, जित्थें केर काउंटी च सब्बने शा बद्ध 68 लोकें दी मौत होई ऐ।

<><><><><><><>

## Rajanth Singh

रक्षामंत्री राजनाथ सिंह अज्ज नमीं दिल्ली च नियंत्रक सम्मेलनदा उद्घाटन करगंन। रक्षा लेखा विभाग नै त्रै दिने दे इस सम्मेलन दा आयोजन कीते दा ऐ। रक्षा मंत्रालय नै दस्सेआ जे सम्मेलन दे दरान 8 कार्य सत्र होंगन जिंदे च बजट त'लेखा सुधार, आंतरिक लेखा संरचन, सैहयोगपूर्ण शौध, मुल्य विधार्ण च नवाखर ते क्षमता निर्माण जनेह् मुद्दें पर बचार बटांदरा होग। आत्मनिर्भर ते प्रतिस्पर्दा रक्षा उद्योग आस्तैरणनीतिक सैहयोग दे कन्नै वित्तीय सलाहकारें दी बधदी भूमका पर बी चर्चा होग। प्रमुख रक्षाध्यन अनिल चौहान, त्रै सेनाएं दे प्रमुख, रक्षा सचिव राजेश कुमार सिंह, रक्षा सेवाएं दे वित्तीय सलाहकार एस.जी.दस्तिदार ते रक्षा लेखा महानियंत्रक डॉ. मयंक शर्मा होर बी उद्घाटन सत्र च हिस्सा लेंगन।

<><><><><><><>

## Israel Hamas Talks

इजराइल ते हमास बश्कार कतर च संघर्ष विराम आली गल्लबात दा पैह्ला दौर बिजन कुसै समझौते नै मुककी गेआ। सूत्रें जानकारी दित्ती ऐ जे कतर दे दोहा च होई दी गल्लबात दा मकसद संघर्ष विराम ते बंधकें दी रिहाई पर कुसै कारगर समझौते तगर पुज्जना हा। बेंजिमिन नेतान्आहू हुंदे वाशिंग्टन खाना होने थमां पैहले संघर्ष विराम पर गल्लबात परतियै

शुरू होई ही। जीवना होने मिां पैहले उनें साफ तौर पर आखेआ जे संघर्ष विराम इजराइल गी मंजूर शर्ते मूजब गै होना चाहिदा।

<><><><><><>

## Amarnath Yatra

श्री अमरनाथ जी दी यात्रा पूरी चाल्ली रमानदारी ते बवस्था आले ढंगै सिर जारी ऐ। यात्रा शुरू होए दे कल चौथे रोज संजा तगर 21 जहार 512 श्रद्धालुएं पवित्र गुफा च मत्था टेकेआ जेह्दे कन्नै गै 3 जुलाई गी शुरू होई दी इस यात्रा दे पैहले 4 दिने च दर्शनकरने आले दी गिनतरी 70 जहार कोला उप्पर पुल्जी गई ऐ। ताई जम्मू थमां अज्ज बडलै मुंह न्हरे 8 जहार 605 श्रद्धालुएं दा नमां जत्था घाटी लेई रवाना होआ। लौहकिएं—बडिडएं कुल 372 गडिडएं दे काफले च रवाना होए दे इनें श्रद्धालुएं च 6 जहार 486 मर्द, 1 जहार 826 महिलां, 42 न्याणें, 216 साधु ते 35 साध्वियां शामिल न। इंदे चा 5 जहार 426 श्रद्धालु बालटाल ते 5 जहार 119 श्रद्धालु पहलगाम आले रस्तेया यात्रा करगन।

<><><><><><>

## Cricket

भारत नै कल रातीं बर्जिघम दे एजबेस्टन च एंडरसन—तेंदुलकर ट्रॉफी दे दूए क्रिकेट टैस्ट मैच च मेजबान इंग्लैंड पर 336 रंज दी ऐतिहासक जित्त दर्ज कीती। इस जित्त कन्नै श्रृंखला 171 कन्नै बराबरी पर होई गई ऐ। इस मैदान पर भारत दी पैहली टैस्ट जित्त ऐ। 58 बरें शा भारत नै इस मैदान च कदे बी कोई टैस्ट मैच नेई जित्तेआ हा। बरखा करी 5में राज दे खेड्डी दी शुरूआत च 100 मिनट दी देरी होई बावजूद एह्दे भारतीय गेंदबाजें मेजबान टीम दे बाकीदे 7 विकेटां आउट करियै एह् ऐतिहासक जित्त दर्ज कीती। इस जित्त च आकाशदीप नै 10 विकेटां लेइयै अहम योगदान दित्ता। 1986 च चेतन शर्मा दे बाद आकाशदीप इंग्लैंड च इक मैच च दस विकेट लेने आहले दुए भारतीय गेंदबाज बनी गे न।

<><><><><><>

## IMD

दिल्ली—एनसीआर ते किश हिस्से च अज्ज बडलै बरखा होने करी गर्मी थमां हल्की राहत हासल होई। मौसम विभाग नै अज्ज छत्तीसगढ़, पूर्वी मध्य प्रदेश, मध्य महाराष्ट्र ते विदर्भ च

लगातार तेज बरख्सस पौने दा अनुमान जाहर कीता ऐ। उत्तराखंड, ओडिशा, मध्य प्रदेश, सनें उत्तर-पच्छम भारत दे किश हिस्सें च गरज कन्नै बरखापौने दी शैंका ऐ। मोसम विभाग मूजब अगले 7 दिनें दरान उत्तर पच्छम, पच्छम पूर्वोत्तर मध्य ते दक्खनी प्रायद्वीप च गरज कन्नै बरखा पेई सकदी ऐ।

<><><><><><>

## Boxing

कजाखस्तान दे अस्ताना च विश्व मुक्केबाजी कप च कल भारत दी जैस्मीन लाग्बोरिया, साक्षी ते नुपुर ने अपने अपने भार वर्ग च सुन्ने दा तगमा जित्तेआ। भारत नै त्रै सुन्ने दे, 5 चांदी दे ते 3 कैह् समेत कुल 11 तगमे हासल कीते। कजाखस्तान च होई दी इस प्रतियोगिता च 31 देशें दे 400 शा मते मुक्केबाज हिस्सा लैता। भारत दे 20 सदस्यीय मुक्केबाज दल नै एह्दे च हिस्सा लैता।

<><><><><><>